

亞東救時論議

卷一
四冊

亞東救時論議卷一

論中俄交涉

論俄國不還牛莊鐵路

論東三省變局

論和約外兩大患

論將來外交

論北亂難已

優待國民說

論中國之人心

論民心維繫之大

論保教必先化民

教案則例亟宜編輯說

論中國宜求自立

知恥而後立國說

卷二

為治在言行相符說

不信為國之大害說

英俄形戰說

論俄藏交涉

論俄約暫緩重押

論撤兵

論天津屯兵

雪恥辱說

功罪公論

收拾民心說

甄別教民說

清盜匪以保民教論

交涉爭讓辯

論是非當由自主

論存恥在不忘其本

信以立國說

奉行新政不宜推諉說

論秦皇島為緊要港口

息爭篇

憂禍篇

論大臣被劾

論維新宜防其弊

增益官俸說

論西安疑忌太多

論廷臣報復事

書程載學務宏開後

論廣設武備學堂

論京城創辦工藝局

論英使不允簽約

聞邪篇

變遷法說

論張制軍 陛見之關係

整頓官制以除弊政說

增官易官辨微

論公言宜鑑中外之見

論鄂省公務總匯局

記公衆書院集款事

論常昭議開學堂

論中俄交涉

庚子之役俄軍之於東三省與聯軍之於直隸順天有以異乎曰無以異也是則聯軍於直隸順天之結果俄軍於東三省之結果亦安可以異哉強俄人以同於各國之新約其事似難而實簡順俄人而別之於各國其事似易而交涉從此繁矣夫兩全權與各國使臣既立草約於北京則中俄之交涉即比照草約之條款可耳復何用乎另立乃者全權以各國草約已定進而請俄國撤東三省之兵於是俄國畧變其上次密約之要素而別出數款以相約是豈特玩弄中國於股掌之上乎並將以之欺各國也夫各國非甘受其欺者萬一中國而竟受其欺則各國以利益均霑之說進固未必讓俄人之獨步也新任俄使之要素於中國者共有若干款未能盡行探實僅就撤兵一層照日人所探得者謂俄意該處俄兵因地方未靖一時難於退兵俟二年後酌量情形退出一半如地方實已平靖則三年後全隊撤退照西人所探得者謂俄意盛京俄兵可以撤回吉林黑龍江二省俄兵當於二年內逐次撤回二說雖有小異然俄兵一時之不能盡撤則已可以無疑夫北京之聯軍保定之法軍兩全權費盡心力始經撤退因此而格外遷就損失利權不知其凡幾天津聯軍雖有暫留年半之說現正磋磨總可以漸漸就緒即使不能亦無二年三年之多今俄人撤兵之期既須如此之遠則各國援以為例詰問中國中國將何說之辭又就練兵一層照日人所探得者謂俄意中國兵必由俄國武弁訓練者方可駐紮該處未訓練之兵及他國將弁訓練之兵不能駐紮該處照西人所探得者謂俄意中國須飭黑龍江將軍用俄國兵官操練旗兵

二說有詳畧之不同而用意實一夫北京保定等處聯軍既退深恐地方不靖兩全權商之各使調馬軍姜軍梅軍分紮保護未聞各國有所挑剔謂必由各國兵弁訓練之也中國兵制之失誠須聘各國兵弁訓練之然聘何國將弁訓練中國應有自主之權豈能為他國所干預使各國悉如倭人之例謂某處防兵須由某國兵弁訓練中國尚有自主之權乎還其地而操其地之兵權與不還無異此亦可以喟然許之者乎至於某省路權礦權歸某國在己未以後已成習慣之要求然而獨不可行之於此次蓋北京草約十二條未嘗及於此二項也俄若於此次逞其要索則各國亦必以有所藉口遂生枝節嗚呼俄人之意蓋深知中國政府最喜虛空之體面而不察實在之權利現在所要求者較之從前所要求者保全中國之體面蓋已不少固謂中國必能受其欺也英國所最注意者為營口為關外鐵路既允以二者還之中國則英國之心可以稍慰不復阻撓其事固謂英國亦能受其欺也夫俄之欺人者祇欺一時而已中國苟受其欺則各國羣起而效尤必致疲於奔命可不懼哉

英俄形戰說

余夢齡曰今天下一相爭相妬相魚肉之世界也大併小強吞弱斯固夫人而知之矣至兩大並列兩強相形則互相抵制而不敢輕啟兵端者豈果以智勇之不足以制敵破彈之不足以取勝哉夫亦以兵端一啟燐血鐵飛天折地絕國裂家滅是乃茫茫衆生之所怖而莽莽強國之所隱忍而不敢輕發者也於是不得不焦其心灼其肝睚眦其形明暗然以與並驅之國暗相牽掣於星球之上傍徨於公利之藪者蓋一不慎則利權隱蝕於強鄰而國勢已

成於當時勢所歸有不得不然者也今觀亞東時局猶若全棋亞東如棋局經緯之界全局之勝負繫焉歐澳非美各國如間散之子雖無關於大局然不能不藉以牽掣形勢也至黑白之操死生之寄厥惟英俄俄自大彼得奮興以來伐瑞典滅波蘭畧波斯大破拿破崙已有混一之勢迨愛英法奧土之創振興益力東畧亞東版圖式廓雄據六合之志囊括八荒之心於此亦漸形露矣夫英則三島之國耳然屬地徧五洲商權冠萬國其聯合屬土牽動大地之權力者是尤地球強國所必視而莫與比京者也論兩國之兵力則海軍英勝俄陸軍俄勝英論兩國之形勝則俄國地勢廣袤無天牙相錯之虞利在陸不在海且西伯利亞鐵路之成則東亞樞紐在俄掌握矣而英則屬地雖徧全球然形勢散布似不若俄之聚而易守也惟其關草萊任土地商權之盛富強之業似駕俄而上之以是俄所忌者惟英而英所妬者亦惟俄大利所在彼此必出全力以互相箝束也故俄之併中亞西亞也即波斯英出而干預焉英之取巨文島也俄出而禁阻焉英之墟印度也俄竊伺其後焉伺之不得至今尚隱怒於心故俄人日肆其鯨吞之志於中亞西亞欲以拊英屬印度之背乘其懈而襲焉去歲秦晤士報載俄外部王爵魯巴勞夫之言曰目今俄所最忌者莫如英再越四年俄在亞之鐵路成當迅即乘機以攻印度克之則英與各屬土聯合之勢必大為渙散是誠英國衰弱之機也而英於是亦亟亟斡旋籌備為備焉至中日之爭高麗也俄結德法以阻遼東之界日而英亦借袒日以遏俄蓋俄之援德法以拒日非有惡於日也利己也英之袒日亦非有厚於日也制俄也方高麗之失藩衛於我也俄人即駐重兵於王城其國中

用行政諸大端則勢設高王於使館以強致焉練兵教習舉自俄總理稅司去夫英甚有不挽崑崙之紐不止者而英鑒俄之蹄突狂噬之無饜也遂結日本而陰啖高麗以排之而高麗惕於俄之要求荒島萬屯煤之所並禁用日本印度銀圓之諸多挾制也於是遂有辭練兵教習之舉而俄於韓之權勢至此亦稍衰矣迨中日和議之成遼東之歸俄德法責報於我於是俄西伯利亞之鐵道徑我黑龍江而達海參威矣法安南之鐵道適我鎮南關而達廣西之龍州矣英卒無功於我無報可責然鑒俄之利亦且開廣東西江通商埠直達廣西之梧州而德人卒以酬報未及遂有膠州之事不三月而俄祖佔旅順大連灣之巖疆並以我以償日本兵費之借款英人知之亦遂割威海衛以分其饒而一千六百萬磅之商款卒奪諸俄人之手以貸於我並得我江浙之貨產蜀鄂之鹽釐以總稅務赫德主其成焉牛莊至北京之鐵路併得奪諸俄以歸乎英據梁肉於虎口攫貨寶於盜淵英俄積不相下之勢至此亦亟亟其殆矣而俄睹於英之積慮衛心之撓已而又鑒稅司赫德獨掌中國利源之樞紐也妬之忌之唆之排之而不得遂有約德法同盟之舉而握海陸軍艦以示威於東亞於是英亦遂有聯日美之議整軍經武若有朝不及夕之舉至是而英俄水陸之強弱同盟海陸之權勢預籌英俄開戰之情形議於兩國外部者屢屢見於各國報章者再四而英之上下議院設排俄之策擬逼俄之論蓋無日無之去歲倫頓水陸師報載有英人漢和星所著之地球大勢論其言鐵法之聯盟攻英而英若何為其燿師艦若何為其奪土地礮彈橫穿血肉飛薄卒能俄法俯首帖耳而行成雖屬空中之樓閣然足見無日不以英俄之

關繫為念而以之警惕夫國人也嗚呼今日英俄各逞其智力欲東方佔地務各使相等兵力務足使相敵狼奔豕突斯夕不遑且各以堅悍之力相持於旅大威海之關戰機漸顯禍萌方長中國安則萬國共享太平之福中國其不幸而有戰事也則太平洋將為血戰之場亞西亞將成礮彈之域而英俄之紛爭變觸果不知鹿死誰手也雖然英俄之戰形已露亞東之分裂將成他日兩國其果相見夫兵戎也剛英必出全力以保印度俄但據小亞西亞之君士但丁堡而英已難越黑海一步兵英其分力以爭君士但丁也則俄陽以經營中亞西亞而陰已進逼夫印度矣英其佔據太平洋檀香山之巴兒埠口以逼俄乎則俄分兵出黑海以攻印度印度為東亞西亞之門戶印度失俄無東顧之憂矣英其扼威海導力於揚子江取近香港之象山擇險要以築砲臺船塢固英水師而逼俄南下之勢乎則俄得旅順大連灣之要隘足以制之且由西伯利亞鐵路分兵達奉天長驅其水陸以並進而南下也英能海陸並障乎總之英吉利一殖民政畧之廣國耳合澳非美亞之屬土固為世界第一之大國然勢分而散自守且不足與暇以攻人其防禦之策計畫之方雖有輪舟電線交通一氣究以地廣路遙鞭長莫及物重難舉勢使然也夫俄有八百六十餘萬里之面積壤土相接氣脈相通待西伯利亞鐵道之成則歐亞相屬夫一體而遠交近攻之策出無不利守無不固者矣視彼版圖遠隔者固不可同日語也吾恐一朝事變之來夫所謂澳洲非洲印度加拿大者背叛相續毅然倡自由之說翻然建獨立之旗而欲不蹈西班牙之覆轍者其可得乎其可得乎且俄橫卧歐亞二陸之交其毘連之鄰除奧普二國外若支那也波斯也

印度也朝鮮也土耳其也盡為其所垂涎而思大嚼者也波蘭既為猛鷲之餌土耳其獲半
入貪狼之咽其他煽惑波斯唆叛印度籠絡高麗強逼支那使得一展其轉坤旋乾之手方
足罄其欲飲乃心也夫俄自苦難米敗於英法奧土之後吞歐之志遂一變為搏亞之心矣
英亦自恃權力之不逮俄也亦遠聯日本結波斯約支那盟中亞西亞之族類合南美洲加
之紅種併張熱之力鼓流定之質以障俄南下之圖然之數國者或失於東西球之相隔或
似乎姜蕩枝之不振究遜夫俄之結德法之廷與歷艱辛共患難也介乎其間徒招其鼓翼
揚唇欲嚙之而甘心也印度支那其猶天府之精英環球之寶庫銀鷹鼓翼大盜覬覦俯視
圖謀已非朝夕而英亦捍之衛之無之翼之至今日矣然俄自一千八百五十六年以來其
外交之奸詐如火山之噴瀑熱溶冰遠煙飛石破而無以遏其策也又如常山之蛇臨尾則
昂夫首擊首則掉其尾而莫能制其要也冰渙煙消首昂尾偃遂為俄應敵制人之憤技也
至其將帥忌艱茹苦督師經畧有常臨大敵之概無嬉戲貪安之習是皆非英所得比擬也
此吾所論英俄互制之形而不能不為英危也嗟乎吾更不止為英危也

論俄國不還牛莊鐵路

鐵路條約一則係俄國交還中國牛莊鐵路之條款也然則牛莊鐵路俄國已有交還中國
之約烏得謂之不肯交還乎曰有說夫此條約者蓋還如未還宜直斷之曰不還也夫鐵路
為中國之鐵路中國有自主之權也而俄不還中國允給他國不還中國許英日兩國之兵
由該鐵路運載又責令中國建造該處支路必俟俄國允准方可施行又責令中國不准將

該鐵路通過遼河又責令中國賠償俄國修理該項鐵路之費以上所言皆見於日本報者
天下明眼人細譯之俄國為交還牛莊鐵路乎為不交還牛莊鐵路乎明明為中國鐵路交
還以後其權盡在俄又明明忌妬英日故約中帶敘一句是約也謂俄之管轄鐵路可也謂
俄之交還鐵路不可也字林報載俄約不一而日本報尤歧出其約不一要英日窺俄之居
心已如見肺肝十月二十五號北京電述中俄約九條第二條第六條明言中國不准將牛
莊鐵路讓與別人而俄國之在滿洲建造鐵路則悉聽其便據此二條合之日本報所載交
還牛莊鐵路五款蓋已脗合可決定俄國還而不還之狡詐也夫俄之圖滿洲豈一日之事
哉而適月來風信尤緊在北京和約未足之先猶不顯其存心至今日則盡顯也請以近事
證之一俄國復遣水師軍艦數艘東來戰艦巡邏雷艦隨軍運糧船據報載其數已多近
復建造一等戰艦五艘船內所配悉用快砲二俄國近將俄輪所載各貨將定章程通飭歐
屬如俄埠轉輸遼東各商埠及旅順口等處其章程內有許多海關稅則可從輕等其意欲
令太平洋商務總公司與滿洲日本伯令海各處所設分行及黑龍江俄屬東亞西亞內聯
絡三俄國自稱大連灣港如西伯利亞鐵路告成則為世界第一通商良港現在美國輸運
貨物皆由牛莊而入內地將來大連灣工事竣成由該灣火車輸送水腳利權無算矣四俄
國近用水師開濬旅順內港之西以備大戰艦大鐵甲停泊又俄陸軍大臣出巡中亞細亞
一帶形勢五鳳凰城安東縣俄兵有增無減大有欲收該處租稅永遠屯師之意六俄國統
帶駐韓水師在馬山浦軍艦齊集又于預京釜鐵路其造中國東方鐵路末段鐵軌已安設

至俄京聖彼得堡八此數端皆其近來布置東亞情形也其圖利權若此而肯交還鐵路乎不還不可欲還不願乃立此還而不還之約而猶信已還牛莊鐵路也不其僥倖哉俄之言曰中國只要虛體而俄當保全體面嗚呼失利權而得體面中國之愚也俄又言曰北京和約俄為預力各國以教挾制中國俄獨無之有此交情利權可得也嗚呼恃交情而收利權俄國之巧也且俄之不肯交還牛莊鐵路者其意豈在牛莊已哉恐將來蒙古喀爾喀巴臺伊犁喀什噶爾葉爾羌和闐等處鐵路礦山之利權必漸次為其侵蝕也觀西藏喇嘛往來俄京是為俄人窺伺中國西邊之一證俄又乘阿富王新喪而干預之頗有窺測印度之意其心中目中東亞細亞則兼顧英日中亞細亞則專顧英人也嗚呼其東顧西矚也若此而謂其肯交還鐵路乎竊謂東三省退兵及交還鐵路一事在中國雖肯置焉不問謂無力可與爭較而英日則不甘也其援利益均霑之說盡人而知之設一旦因齟齬而啟戰爭東方成一極大戰場則中國以地與人仍不能免戰爭之禍應其悔其不值矣故今日中國不欲俄國交還牛莊鐵路則已欲其交還除許其賠還修費外除則與俄無干涉之種種挾制中國須令刪去不然京津鐵路英可援俄約京保鐵路法可援俄約中國左虎右狼不置之死地不已也故日本報所載俄國交還牛莊鐵路條款萬不可從可直斷其約為不還牛莊鐵路之約也

論俄藏交涉

西藏喇嘛赴俄之事各國皆知之矣中國獨漠然無動於中何哉夫西藏豈朝鮮安南暹羅

緬甸之比哉朝鮮安南暹羅緬甸之於中國如小之事大僅修朝貢而中國亦即以附庸視之既無監國又不干預其內政於屬國之制尚屬有間若夫西藏其主持政事者為坐牀喇嘛坐牀喇嘛中國所派也而又派駐藏大臣以監察之喇嘛視駐藏大臣如上司是實中國之屬地豈朝鮮安南暹羅緬甸之比哉屬地之長無自行派使與他國訂交之公例各國亦無接待鄰國屬地所派使臣之公法今西藏喇嘛至俄俄皇見之於聖彼得堡相近之離宮優待以頭等公使之禮此其意中豈富有中國者哉豈當以西藏為中國之屬地者哉夫通使非細故也中東未戰以前中國嘗以朝鮮為屬國然而朝鮮則久已與列國使聘往來故日本視朝鮮為自主之國及至中日齟齬各國亦謂朝鮮久與通使往來中國從不禁止即已默許其為自主之國於是中國之于預朝鮮內亂為中國之不直矣豈不傷哉以此為鑒則西藏之通使於俄實高步武朝鮮之起點中國政府斷不可漠然而無動者也漠然而無動是亦為默許之也顧於此而詰問俄國俄必曰喇嘛之來為教務並不干涉政事蓋俄國當道之宣言圖早已肯定此說也雖然俄人以此說欺各國則可以此欺中國則不可而無政事即以教務為政事各國客不能盡知中國豈亦未嘗知乎當西藏內附之時中國累得西藏民人不知有君不知有政事而篤信喇嘛教一切惟大喇嘛是聽驟為設官施政民必不服乃因其俗順其情派坐牀喇嘛以為之長仍以其素所崇奉之教務為政事相沿至今毫無更變是中國即西藏之教務治西藏而乃任令西藏以教務通使於俄乎雖然俄人固知中國之漠然無動者也故悍然不顧既待以頭等使臣之禮又令俄報昌言曰各國以為

俄人欲將西藏歸其保護此竊猜測之辭不可憑信俄人之意惟欲西藏為獨立之國耳為
呼此說也豈非欲以西藏為朝鮮哉中東之戰日人曰日欲朝鮮為獨立之國耳先後之言
渾如一轍夫西藏非朝鮮安南暹羅緬甸之比而將為朝鮮安南暹羅緬甸之續中國政府
猶是漠然無動於中者何哉中國政府痛過親忘往日朝鮮之交涉忘之既久自必以俄藏
通使為細故不若電飭駐俄使臣詰問俄國可也電飭駐藏大臣詰問喇嘛可也既經詰問
則中國表明西藏實為中國之屬地而以後亦可免再行通使之事蓋其始制之甚易不煩
於始則終將不可制矣夫俄人久有囊括亞洲之意其視新疆不啻為囊中之物故必設謀
與西藏通然後可以拊印度之背而統一亞洲是則通使一事中國豈可漠然無動於中哉
雖然亦豈待中國不當漠然無動於中哉

論東三省變局

近時東三省消息皆言馬賊劉彈子為亂於盛京勢甚猖獗此誠東三省局勢一變之大關
係也中國於此而處置不宜各國於此而處置不宜則東三省因此一變遂為俄有各國無
不夢其害矣中國於此而處置得宜各國於此而處置得宜則東三省因此一變洞開門戶
中國之利亦即各國之利也東三省之有馬賊百餘年矣有田可耕有礦可採故帝國根深
歷久不絕近見華兵無用俄兵不多遼乘間以起先在鳳凰城海城等處佔地釋囚放火劫
財繼又分竄雅爾汗可長店客店等處波及韓地該處山嶺叢雜地曠人稀東捕則西竄西
捕則東竄又為馬賊長技故一聞此馬賊之猖獗無不譁然為中國憂蓋以俄人必藉此能

事永不撤兵也俄人垂涎東三省已久乘上年之亂遂即佔據其言曰我為代平內亂亂平乃可撤兵故至今未撤假使地方平靜俄亦將另設他詞屯兵不退而況忽有此馬賊之亂假我以口實者哉雖然亦惟視中國與各國之處置若何耳上年之禍各國與俄國皆因圍匪而用兵無分於直隸東三省也則現在之和議與現在之撤兵亦宜各國同之俄之於東三省不能獨異也今各國既撤京津之兵中國即宜請俄國撤東三省之兵各國亦即宜詰責俄國必與同時撤東三省之兵不可默爾而息同一事而辦法各異也顧於此而問諸俄國俄必以馬賊肇亂尚未平靜為辭雖然俄京之馬賊無以異於直隸之聯莊會乎直隸地方已允由華兵前往平定則盛京馬賊亦應由華兵前往平定俄人向來自稱與中國交情最篤試以此語之亦奚說之辭顧俄人猶必以甘言辭中國曰中國時局日艱籌餉既難購械尤難且賊勢猖獗糜兵傷財恐難即平不如由俄兵代任其勞事平仍以地還諸中國雖然中國之人其果皆睡裡塗竟信其甘言乎世豈有自主之國而其地由他國平亂者乎至於各國之詰責俄國更為有辭蓋馬賊與聯莊會無異各國護華兵以自平內亂俄國亦即應護華兵以自平內亂也否則東三省地方各國亦皆有商務人民既有內亂皆可調兵前往雖俄必以保護自任然各國苟視東三省為俄地則各國人民商務之在東三省者應由俄國保護否則明明為中國之地而藉俄人以保護各國之人民商務亦各國之恥也是故中國今日即當因馬賊之亂明告俄國應由中國派兵前往平亂俄如能允固為中國之福苟其不允即應明告各國請各國聯軍前往平定事後即以其地洞開門戶無論海口內地

皆作爲萬國通商之地而華民仍由中國自治則中國無失地之憂而各國得通商之利且地球各國之地醜德齊者仍無偏重之患豈不善哉各國當上年調兵之初日本頗以抵制俄國爲宗旨英德助之俄調兵若干日亦調兵若干及後東三省之役各國皆不能棄顧一誤也初開和款之時不及東三省二誤也及今猶不言一任俄人之經營於東三省馬賊永不平則俄兵永不退將成三誤夫亦豈各國之利哉中國與各國其果能因馬賊之亂而一變東三省之局勢乎哉

論俄約暫緩畫押

俄人混一環宇之志自大彼得以來歷久而不渝而其侵吞並食之法則又不以正道不以兵力故俄國外交之術最爲斯世所猜忌蓋其以術惑人已不止一次也其與中國目前之交涉則交還東三省一事最動斯世之猜忌第一次要索既不能如願又改換面目而有第二次之要索以今所聞行在政府因南方督臣電陳利害遂令全權大臣暫緩畫押似中國政府固已洞燭其狡謀矣斯世猜忌之念其果可以息乎夫東三省爲發祥之地祖宗陵寢在焉一日不還則兩宮聖心一日不安故收還東三省之意在中國政府本屬萬分迫切並不欲拱手而讓之於俄人也俄人既窺其隱於是日日以交還之語哄中國中國政府深懼其不交還遂欲借其語以羈縻之不肯峻拒至於李傅相久辦難辦之外交凡各國與中國有爲難之事俄人皆力任調停而庚子之約俄功尤多傅相之傾倒於俄人感激於俄人固非無因故於俄人憫愍之辭哄騙之辭無不信以爲真一一電達於政府即如第一

次俄人之要素傳相曾述俄使之言謂此約係俄人交地好意中國不允即無交還東三省之時英日諸國意在久佔土地欲俄人於東三省發其端彼可效尤故竭力阻止云云雖經南方督臣之力爭各國之煩言此約終於廢棄而政府之心固以東三省之地尚未交還不能一日安也假使當彼之時英美日諸國仗義執言代為索還則政府知不立約之謬知東南疆吏之善於斡旋而親俄之念從此可以冰釋乃廢約之後寂無所聞故此大俄人所索四款政府電詢南省督臣有英日主義如何之語固疑英日之不肯出場也政府之意能全行交還固為至願苟其不然則以土地陵遲為重而以礦產路權為輕自閱兵力既不能強俄以必還廢顧同盟亦不能動俄以竟還則其見此次之要素較善於上次之要素而欲曲從之亦未始非急於收還之一念所致也今者南方督臣電陳利害以各國藉口放尤為言請即廢約政府見奏自必恍然故暫緩畫押之電已達於北京然而東三省則仍未還也俄人方且以此約不立則東三省永不交還等語惆悵政府而南方督臣亦第言立約之害不言抵制之法更不言收還東三省之法政府之心其何以安哉政府之心一日不安則俄人之狡謀必可以復逞俄人善於窺中國政府之隱政府急於收還東三省而不可得亦無抵制之法深懼東三省之竟不得還也則甯舍收還之實而必爭收還之名俄人知中國政府無計可施所爭者在名不在實則以其虛名為哄騙一再再而三必求其術之得售而後已是則今雖有暫緩畫押之信然必俟東三省之地業已交還而後斯世猜忌之心可以息也

論和約外兩大急

北京和約雖已議結尚有兩大急為中國地土利權極大關係一東三省俄約一更改通商條約此二端所以關係之故於俄國交還牛莊鐵路約款五條及英國注意商約八條可按而得之苟有人心閱之未有不驚且訝駭且怪而歎列國欺中國太甚而中國自相隱飾之可恨也查和約十二條中國全國政權利權兵權盡失中國之吃虧如此列國之便宜如彼然且和約十二款不過換得一北京聯軍退兵其餘如京津山海關鐵路未還天津山海關東三省上海膠州洋兵未退或推諉時日或措辭彈壓或藉口保護鐵路觀於天津都統衙門撤退之期屢易高密德兵撤退之日屢爽已令人數各國立言之不誠而中國受制之無可如何之太懦也然而此猶不高過甚也所最甚者東三省之約與更改通商條約二端耳夫和約一結俱結猶之可也今和約名謂之結而東三省一事另議通商條約另議留此兩大患於和約既成而後是十二款可謂第一次和約而東三省事可謂第二次和約通商條約可謂第三次和約也昔日中外之衅一約而結今日中外之衅一約而三然則今日可直斷之曰和約未成其所成者退北京洋兵之約耳至於東三省鐵路礦務稅務兵制戶口長江船政鐵路稅務地土各國咸於東三省約及更改通商條約內再為專注苛求也中國只知求外國退兵不知兵能退亦能進況天津上海山海關膠州之兵朝發夕至也又只知洋兵退後兩宮可迴鑾不知迴鑾定一國之心其實守空虛之府仍無從保國也又只知新政行則國富強不知利權全失新政無所倚賴也無財不可以為政東三省約及更改